

nicht vordir anlangen noch beteidigen an arge list. Dy selbin czwei schogk groschin sullen der frauwin an irem dritten teil abgehin. Actum in die sancti Nicolai.

1) zu Nr. 960

### 963.

1436 Januar 26

#### ***Abschrift des Vergleiches zwischen Nickel von Mehir und Jacob Sommer wegen eines Hauses.***

fol. 179r Item Jocoff Summer hat Caspar Sangner ubir antwort eyne brieff, der in sich heldit, als diesze nachgeschr(iebene) copie uszdrugkit:

Ich Nicolaus Gortler, stadvoit czu Czwigkaw, und wir schephen gnant Andres Weterhan, Hans von der Olsznicz, Burgkart Kaldinkuch, Nicolaus Lasan, gesworne, dy daz jar am gerichte saszin, bekennen und thun kunth mit dieszem gerichtsbrieffe, daz vor gerichte und gehegitter bangk komen ist Nickel von Mehirn und hat uszgesagit, wy daz seyns swehirs husz Sangners, do er ynnen waz mit Jocoff Summer vorbutit und ym daz vorkauft haben. Dobei sint gewest syne sweger, des genanten Sangners kindir bey namen Nickel, Paul und Caspar und auch Hans Sangner der alde von der Kulczsch, ir vetter und vormunde, und haben uszgesagit, daz sulche buthe und kauffe als Nickel von Mehir, ir swager, an irs vatir hoffe mit Summer gethan habe, sey gancz ir wille und ir wort. Und sy alle haben sich do allir gerechtikeit, dy sy an dem husze ye gehabt haben adder ymmer gewynnen mochten mit eyn zeichin williklichen vorczihen, gereth und gelobet, daz sy Summer und alle seyn erben dorynne ewiklichin nymmer geredin noch gesprechen wollen an argk und an geverde. Das selbe husz, gelegen an der Korngassin, daz des Sangners, irs vaters, gewest ist, haben wir Summer oft gnant czu rechtem erbe gelihen mit allem rechten, als sy om daz vorbutit, vorkauft, sich des vorczihen und oin daz uffgelaszin haben. Czu urkunde und warem bekenthnuszen haben wir obgnanten voit und schephin der stad Czwigkaw gerichts ingesigil an dieszin brieff heiszen hengen, geschr(ieben) am donirstag nach conversionis sancti Pauli anno domini etc. XXXVI. Uff sulche ubirgebung des brieffes hat Summer bekanth, das om Caspar Sangner sulch husz zur genuge und wol bezalt hat.

### 964.

1452 November 28

#### ***Konrad von der Cappel überläßt Heinz Passegk seine von Titz Cluge ererbten Anrechte.***

fol. 179r Actum 3<sup>a</sup> feria post Katherine anno domoni etc. LII ist komen vor eyn siczindin rath Cunrad von der Cappel und hat Heynczen Passegk, synen